



Inatsisartunut ilaasortaq
Michael Rosing, Demokraatit
Maani/

§ 37 naapertorlugu apeqqutip nr. 2017-104-p akineqarnera

07-03-2017
Sullani nr. 2017-5153
Alakkat nr. 17626067

Inatsisartut suleriaasissaanni § 37, imm. 1 malillugu Naalakkersuisunut apeqquteqateqarputit. Apeqqut uanga suliaasaqarfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanaq.gl
www.naalakkersuisut.gl

Apeqqut

1. Qanoq qaqugulu Naalakkersuisut ukioq manna avaleraasartuunik pisassiissutit agguarniarpaat?

2. Avaleraasartuunut akitsuut maannakkut atuuttut Naalakkersuisut aalajangiusimaniarnerlugu imaluunniit allanngortinneqassamaarpa?

3. Naalakkersuisut malittarisassanik allanngortitsiniarnerlutik, nunani allani amerlanerusuniik angallatinik tunitsivissanik attartornissaq periarfissaalersillugu?

4. 28. oktober 2015 avaleraasartootassat agguarneqarnerat pillugu Naalakkersuisut sakkortuumik pasillerneqarput taamani Inatsisartunut ilaasortaasumit Aqqaluaq B. Egedemit (IA) aamma Hans Enoksenimit (Partii Naleraq). Pisuutitsiniut taakku Naalakkersuisut ullumikkut qanoq isumaqarfigaat?

5. Ukiut siuliinut naleqqiullugu avaleraasartootassat agguanneqartarnerat pitsanngorsarniarlugu Naalakkersuisut sunik suliniuteqarpat imaluunniit isumassarsiaqarpat?

Akissutit

Ad 1. Aalisarnermut Piniarnermullu Naalakkersuisoqarfiup maannakkorpiaq ukiumut pisassiissutit, taakkulu agguarnissaat ilusilersorlugit aallartissimavai. Ilimagineqarpoq agguaanissamut tunngaviliunneqartussat arlaatigut allanngortitsivigilaarlugit ukiup siuliani politikkimik aallaaveqartinneqassasut. Naalakkersuisut siusissuklut pisassiissutit agguaanissarlu pillugit nalunaaruteqarnissaannik kissaateqartoqarmat ilisimavaat, taamaammallu aamma ilimagineqarpoq avaleraasartuunut pisassiissutit qanittumi nalunaarutigineqassasut.

Ad 2. Avaleraasartuunut akitsuutip appartinnissaa pillugu allannguutissat siunnersuummik suliaqartoqarsimavoq, kalaallillu aalisariutaat 0,95 kr.-iniit 0,40 kr.-inut kiilumut akiliisinneqassapput, nunallu allat aalisariutaat 1,50 kr.-iniit 1,00 kr.-inut akiliisinneqarlutik. Allannguutissat siunnersuut 2017-imi upernaakkut ataatsimiinnermi saqqummiunneqassaaq, 1. juni 2017-imiillu akuerineqassappat atuutilersinneqarluni.

Ad 3. Naalakkersuisut angallatit suminggaanniit attartorneqarsinnaaneritut ajornartorsiummik ilisimasaqareerput. Naalakkersuisulli soqutigisarilluinnarpaat aalisariutit nunanit allaneersut kalaallit imartaanni aalisartut aalisarnermik nakkutilliinermut tunngatillugu piumasarineqartunik tamakkuninnga malinninnissaat, unioqqutitsisoqarsimappallu aalisariutit naalagaaffiit aalajangersimasut erfalasuunik atuisut unioqqutitsinermut akerliusinnaanngitsut atorneqarnissaat pinngitsoortinniarlugu. Aalisarnermut Piniarnermullu Naalakkersuisoqarfik maannakkorpiaq misissuivoq aalisariutit naalagaaffiit aalajangersimasut erfalasuinnik atuisut akuerineqartut ilumut amerlineqarsinnaassanersut, peqatigitillugulu Kalaallit Nunaanni aalisarnermi piumasarineqartut siuliani taaneqartut malitsinneqarlutik.

Ad 4. 2015-imi avaleraasartuunik agguaasoqarnerani apeqqutinik arlalinnik takkuttoqarpoq, ilaatigut taamanikkut Aalisarnermut, Piniarnermut Nunalerinermullu Naalakkersuisup tamatumani inissisimamert pillugu. Taamatut isornartorsiuoqameranut akissutitut kimulluunniit attuumassuteqanngitsunik aqutsinermik misissuititsisoqarpoq, tassanilu inerniliunneqarpoq isornartorsiuineq tunngavissaqanngitsaq.

Ad 5. Soorlu siuliani taaneqareersoq avaleraasartuunut pisassiissutinik agguaanermut suliaq sulii ingerlavoq, ataatsimullu isigissagaanni oqaatigineqarsinnaavoq akornutissat arlallit pisassiissutit ilaannakortumik atorneqarsimanerannut pissutaasimanerat Naalakkersuisut tusaatissatut tigusiimmassuk. Taamaammat Naalakkersuisut akornutinngortut tamakku oqilisaaffiginissaannik takunnereerput, tamatumaniilu aqutsinermut allanut naapertuuttumik sulisoqarsinnaappat.

Inussiarnersumik Inuulluaqqusillunga


Hans Enoksen